

德化縣志

德化縣志卷第三十二

知德化縣事

高錫三補輯

鄒文炳再輯
陳鼐續輯

人物志

潯陽古郡山高氣清士秀於庠民良於野或學崇物望或品著鄉評或矢金石以輸忠或飭廉隅而勵俗或敦行不怠耄而猶勤或視履考祥其旋元吉處則德行圭璋出則功名燹鼎自高志後閱今百數十年豈無忠信奇杰之士足以樹之風聲表厥宅里為邦家光者重加採輯彙成全編則其人

德化縣志

卷三十二人物

名臣

一

其事不致湮沒搯觚家甯缺疑無失實焉志人物

名臣

晉

周訪字士達尋陽人祖纂吳威遠將軍父敏左中郎將訪沈毅好交遊振之家無餘財元帝渡江察孝廉命叅鎮東軍事督兵與甘卓討平華軼拜振武將軍尋陽太守尋征杜弢於豫章石頭弢走湘州復以舟師追杜宏於廬陵宏奔臨賀進龍驤將軍賜爵尋陽縣侯既而杜曾襲破陶侃於石城逐荊州刺史王廙徑造沔口大為荼

毒元帝命訪擊之訪先爲兩甄僞敗以嘗曾身率精銳直衝賊陳曾遂大潰遷南中郎將督梁州諸軍梁州刺史屯襄陽執杜曾送王敦斬之訪在襄陽務農訓卒勤於採納智勇過人威風遠著號中興名將王敦有不臣之心訪恒切齒敦故終訪之世憚未敢發太興三年卒贈征西將軍謚曰莊侯二子撫光

府志

陶侃字士行其先鄱陽人吳平徙家尋陽早孤家貧爲邑吏孝廉鄱陽范逵嘗過侃共談留宿母湛截髮易酒饌以待賓逵聞益賢之過廬江太守張夔盛爲侃延譽夔

德化縣志

卷三十一人物

名臣

二

召侃爲督郵領樅陽令察孝廉至洛詣司空張華華與語異之除郎中棄官歸荊州刺史劉宏辟爲南蠻長史破賊張昌於襄陽累以軍功封東鄉侯邑千戶陳敏之亂劉宏以侃爲江夏太守加鷹揚將軍與諸軍并力討敏賊平遷龍驤將軍武昌太守安集流亡又立夷市於郡東大收其利詔侃擊破杜弢獲其輜重王敦聞侃破弢喜曰若無陶侯便失荊州矣卽拜侃荊州刺史鎮沌口後爲杜曾所襲坐免官尋復職如故會杜弢部將王貢以精卒三千出武陵誘五谿蠻夷以舟師斷官餉徑

指武昌侃潛師掩其不備大破貢貢遂來降王敦深忌侃功左遷廣州刺史進至始興而杜宏據臨賀與王機温 劉沈俱謀反欲取廣州侃設方 擊破之以功封柴桑侯食邑四千戶大興初加都督交州軍事及王敦死遷都督荆雍益梁州諸軍事領鎮南蠻校尉征西大將軍荊州刺史侃勤於吏職愛好人倫遠近書疏莫不手答嘗語人曰大禹聖者乃惜寸陰至於衆人當惜分陰豈可逸遊荒醉生無益於時死無聞於後以自棄耶諸參佐或以蒲博酒器佐戲廢事者悉取其具投之江

又言老莊浮華非先王之法言不可行也其綜理所至不遺細微雖竹頭木屑咸見收錄蘇峻作逆京都不守平南將軍温嶠要侃同赴朝廷侃卽日戎服登舟趨石頭賊見壘大驚侃急攻石頭斬峻於陣賊衆遂潰詔以侃爲侍中太尉加羽葆鼓吹改封長沙郡公邑三千戶賜絹八千疋加都督交廣甯七州軍事以江陵偏遠移鎮巴陵討五谿夷降之屬後將軍郭默襲殺平南將軍劉允輒領江州侃上表討默司徒王導欲緩其誅侃報書曰郭默殺方州卽用爲方州殺宰相亦可爲宰相乎

足下云遵養時晦乃是遵養時賊也竟率兵執默父子五人斬之詔侃都督江州領刺史增置左右長史司馬從事中郎四人掾屬十二人侃旋巴陵因移鎮武昌以張夔子隱爲叅軍范逵子珣爲江東太守辟劉宏曾孫安爲掾屬報舊德也遣將四伐樊城走石勒將郭敬又破新野遂平襄陽拜大將軍劍履上殿入朝不趨贊拜不名咸和七年年七十六卒於樊谿詔追贈大司馬假密章祠以大牢謚曰桓有子十七人唯洪瞻夏琦旗斌稱範岱見舊史餘並不顯尚書梅陶言陶公機神明鑒

德化縣志

卷三十一人物

名臣

四

似魏武忠順勤勞似孔明陸抗諸人不能及也

周撫字道和彊毅有父風元帝辟爲丞相掾襲爵除鷹揚將軍武昌太守王敦用爲從事中郎與鄧嶽俱爲爪牙敦敗撫與嶽亡走西陽蠻中明年詔原敦黨嶽撫詣闕請罪有詔禁錮之咸和初司徒王導以撫爲從事中郎出爲甯遠將軍江夏相蘇峻作逆撫從温嶠討之峻平遷監沔北軍事南中郎將鎮襄陽尋豫章太守益州史永和初桓温征蜀進撫督梁州之漢中巴西梓潼陰平四郡軍事鎮彭模擊破蜀餘寇以功遷平西將軍

文鄧定等復反立范賁爲帝有衆一萬撫擊破斬之進爵建城縣公征西督護蕭敬文作亂殺將軍楊謹據涪城自號益州牧桓温令梁州刺史司馬勲等會撫伐之敬文固守自二月至八月乃出降撫斬之傳首京師升平中進鎮西將軍在益州三十餘年卒贈征西將軍謚

曰襄子楚詞

晉書

周光少有父風年十一見王敦敦謂曰貴郡未有將誰可用者光曰明公不恥下問竊謂無復見勝敦以爲甯遠將軍尋陽太守及敦舉兵光率千餘人赴之既至敦已

德化縣志

卷三十一人物

名臣

五

死王應秘不言光遽見其兄撫曰王公已死兄何爲與錢鳳作賊衆並愕然其夕衆散錢鳳走出至闔廬洲光捕鳳詣闕贖罪蘇峻作逆隨温嶠力戰有功賜爵曲江男卒於官

周楚字元孫起家叅征西軍事從父入蜀拜鷹揚將軍犍爲太守父卒以楚監梁益二州假節襲爵建城公世在梁益甚得物情時梁州刺史司馬勲作逆楚與朱序討平之太和中蜀盜李金銀廣漢妖賊李宏並聚衆爲寇楚遣其子討平之卒謚曰定子瓊勁烈有將畧歷數郡

代楊亮爲梁州刺史建武將軍領西戎校尉氏人竇衝反欲入漢川安定人皇甫釗京兆人周勳等謀納衝瓊密知之收釗勳等斬之尋卒子彪嗣

陶淵明侃曾孫授彭澤令解印歸栗里詩酒自適寄意深遠著有靖節集八卷明正德八年學使李夢陽建祠於楚城鄉墓側嘉靖己未知府馬紀復建祠於城內豐儲坊協鎮署左雍正十年知府蔡學顥重修春秋祀焉

梁蕭統陶靖節先生傳陶淵明字元亮或云潛字淵明尋陽柴桑人也曾祖侃晉大司馬淵明少有高趣

博學善屬文穎脫不羣任真自得嘗著五柳傳以自況曰先生不知何許人也亦不詳其姓字宅邊有五柳樹因以爲號焉閒靜少言不慕榮利好讀書不求甚解每有會意便欣然忘食性嗜酒家貧不能恒得親舊知其如此或置酒招之造飲輒盡期在必醉既醉而去曾不愜情去留環堵蕭然不蔽風日短褐穿結簞瓢屢空晏如也嘗著文章自娛頗示己志忘懷得失以此自終時人謂之實錄親老家貧起爲州祭酒不堪吏職少日自解歸州召主簿不就躬耕自資

遂抱羸疾江州刺史檀道濟往候之偃卧瘠餒有日矣道濟謂曰賢者處世天下無道則隱有道則見今子生文明之世奈何自苦如此對曰潛也何敢望賢志不及也道濟饋以梁肉麾而去之後爲鎮軍建威叅軍謂親朋曰聊欲絃歌以爲三徑之資可乎執事者聞之以爲彭澤令不以家累自隨送一力給其子書曰汝旦夕之費自給爲難今遣此力助汝薪水之勞此亦人子也可善遇之公田悉令吏種秫曰吾嘗得醉於酒足矣妻子固請種秔乃使二頃五十畝種

秫五十畝種秔歲終會郡遣督郵至縣吏請曰應束帶見之淵明歎曰我豈能爲五斗米折腰向鄉里小兒卽日解綬去職賦歸去來辭徵著作郎不就江州刺史王宏欲識之不能致也淵明嘗往廬山宏命淵明故人龐通之齎酒具於半道栗里之間邀之淵明有脚病使一門生二兒舁籃輿旣至欣然便共飲酌俄頃宏至亦無忤也先是顏延之爲劉柳後軍功曹在尋陽與淵明情款後爲始安郡經過尋陽日造淵明飲焉每往必酣飲致醉宏欲邀延之坐彌日不得

前延之臨去留二萬錢與淵明淵明悉遣送酒家稍
就取酒嘗九月九日出宅邊叢菊中坐久之滿手把
菊忽值宏送酒至即便就酌醉而歸淵明不解音律
而蓄無絃琴一張每酒適輒撫弄以寄其意貴賤造
之者有酒輒設淵明若先醉便語客我醉欲眠卿可
去其真率如此郡將常候之值其釀熟取頭上葛巾
漉酒漉畢還復著之時周續之入廬山事釋慧遠彭
城劉遺民亦遯跡匡山淵明又不應徵命謂之尋陽
三隱後刺史檀韶苦請續之出州與學士祖企謝景

彝三人共在城北講禮加以讐校所 公廨近於馬
隊是故淵明示其詩云周生述孔業祖謝響然臻馬
隊非講肆校書亦已勤其妻翟氏亦能安勤苦與之
同志自以曾祖晉世宰輔恥復屈身後代自宋高祖
王業漸隆不復肯仕元嘉四年將復徵命會卒時年
六十三世號靖節先生

南北朝

周羅暉字公布九江尋陽人年十五善騎射任俠放蕩收
聚亡命陰習兵書仕陳爲句容令從吳明徹與齊師戰

於江陽爲流矢中左目躍馬突進斬首不可勝紀進師
徐州與周將梁士彥戰於彭城勇冠三軍以功封始安
縣伯總檢校揚州中外諸軍事賜金銀三千兩盡散之
將士陳宣帝深美之出爲晉陵太守進爵爲侯使持節
都督豫章十郡諸軍事豫章內史獄訟庭決不關吏手
人懷其惠立碑頌德至德中都督南州江州司馬吳世
興密奏羅睺擁衆嶺表意在難測蕭摩訶等保明之除
太子左衛率時參宴席詩每前成都官尙書孔範曰羅
睺執筆製詩還如上馬入陣不在人後自是益見親禮

及隋伐陳羅睺督軍以拒及陳主被擒上江猶不下晉
王廣遣陳主手書命之羅睺與諸將大臨三日放兵士
散乃降高祖慰諭之許以富貴羅睺垂涕對曰本朝淪
亡臣無節可紀陛下所賜獲全爲幸富貴非所望帝甚
器之拜上儀同三司鼓吹羽儀送之於宅歷豳涇二州
刺史開皇十八年征遼東徵爲水軍總管自東萊泛海
趣平壤城遭風船多漂沒無功而旋突厥犯塞從楊素
致討羅睺先登大破之進大將軍賜爵義甯郡公煬帝
卽位授右武侯大將軍副楊素討平漢王諒進上大將

軍及陳主卒羅暉請一臨哭許之衰經送至墓葬還釋服然後入朝世稱其有禮時諒餘黨據絳晉等三州羅暉進兵圍之中流矢卒送柩還京行數里輿馬自止策之不動有風旋遶焉絳州長史郭雅稽首祝曰公恨小寇未平耶尋卽殄滅無爲戀恨是時風靜馬行見者莫不悲歎其年七月子仲隱夢羅暉曰我明日當戰其靈坐所有弓箭刀劍無故自動若人帶持之狀絳州城陷是其日也贈柱國右翊衛大將軍謚曰壯子仲安位

上開府

北史

德化縣志

卷三十一人物

名臣

十

唐

蕭存字伯誠潁士子家九江廬山下亮直有父風能文辭與韓會沈旣濟梁肅徐岱等善浙西觀察使李栖筠表常熟主簿顏真卿在湖州與存及陸鴻漸等討撫古今韻字所原作書數百篇建中初遷殿中侍御史四遷比部郎中張滂主財賦辟存留務京師裴延齡與滂不協存疾其姦去官風痺卒韓愈少爲存所知自袁州還過存廬山故居而諸子前死唯一女在爲經贍其家

唐書

宋

羅彧景德中扈駕親征至澶淵與宰相叅議軍務上遣彧使邊賜以錦衣金帶還鄉領本貫江州刺史

陳巽字公順祥符八年進士及第歷常州團練推官補武安節推時侍御李偕守武安事倚巽決凡二十四獄人皆服其平用薦改著作佐郎知廬陵縣先是樞密副使姜遵嘗爲廬陵縣民德之至是有前姜後陳之諺移知資州通判潭州時溪蠻犯約知州事劉夔劉沅繼出行徼巽內修民事外奉師費凡輸粟帛金錢四十八萬兵械稱之用足於軍而賦役不加於民歷知撫州蜀州蘄

德化縣志

卷三十一人物

名臣

十一

州所至有惠政以目疾請老英宗卽位遷秘書監性好

學聲音星歷之技無所不知

曾南豐集

李受爲太子少保乞歸廬山哲宗詔王珪司馬光呂公著等餞飲於資政堂命賦詩以贈之其弟東之以經筵官乞歸詔亦命珪等餞送如受當世以比二疏云

府志

王寓字元忠父易簡資政殿大學士兼侍講寓歷校書郎著作佐郎度支員外郎兼充編修官國子司業爲起居舍人兼蕃衍宅直講欽宗立以給事中命兼邇英殿經筵侍講轉吏部侍郎陞禮部尙書翰林學士建炎四年

賊馬進破江州被害

府志

孔平仲字毅父至聖四十七代孫也父延之與濂溪周子友善卒葬廬山之麓平仲由新淦遷居潯陽子孫遂籍德化舉治平進士官京西提刑坐黨籍謫知韶州別駕徽宗卽位召遷爲戶部郎中出使陝西帥鄜延環慶與兄文仲武仲俱有文名時稱三孔黃庭堅有云二蘇聯璧三孔分鼎平仲尤精史學著有續世說行於世江南孔氏潯陽爲右三孔之中季誠不愧分鼎云

家譜

權安節字信之知臨江軍時江水齧岸多至傾圮安節請

德化縣志

卷三十一人物

名臣

十一

於朝得緡錢若干重築之民甚賴焉

府志

元

柳從龍字雲卿九江人志行卓然年長於吳草廬而學於吳家闡闡之中築精舍曰靜虛晨省之暇飽玩聖賢之

書草廬爲作靜虛精舍記

據吳文正公集改撰

甘楚枋學通五經有盛名於世元興以明經進士屢爲江

浙湖廣河南行省典試官稱爲得人後官武岡縣令

府志

明

田化龍字騰岳武藝精嫻兼萬夫之勇以將材署南湖營

守備時永豐賊熾化龍進勦斬俘無算寇敗潛伏山林
孤軍深入被重圍矢盡援絕麇戰而死永豐人立廟祀
之迄今有禱必應

通志

孫復通左氏春秋元末避兵池州時何文輝督兵拒僞漢
聞其賢召至幕下與畫戰策下湖廣平江西俘僞漢復
有力焉文輝拜官都督以師禮事之洪武中以明經

授郡學訓導卒於官廬陵劉子高爲之作傳

府志

張安仁字體靜洪武初知乳源縣以廉能著城池公署學
宮壇祠皆其創始撫綏有方至今思之

通志

德化縣志

卷三十一人物

名臣

十二

吳禮洪武中官金華知縣調嘉興歷河南西平煩劇之地
皆以廉能稱擢知河曲州改濟甯後以雲南大理同知
致仕崇祀鄉賢

史中永樂中由太學生任衡州通判守法恤民不憚豪貴
尋擢本州太守有中使貪橫經衡州中搜詰其舟密奏
於朝詔命誅之朝野驚服後轉陝西左叅政致仕卒以
子珍貴贈大中大夫資治少尹

萬衣史中傳史先生諱中江西之潯陽人永樂中辟

賢良方正爲楚德安郡別駕遷守衡州先生守衡時

民間有子生而慧先生器之令學其父前曰吾故市人產稍令兒業生活足矣奈何學乎先生曰必從吾言若兒後將大顯卒館之公舍時時督課習爲具餐飯裳服既長又爲之擇婚事時先生業已稍稍睹兒成立矣旣去衡若果榮第先生官至大叅致政歸潯陽會若僉外臺泣潯陽以父師禮先生於廬睹先生居室僅容膝蕭然無長物心他有所厚卽敬憚先生輒重語一日察罪有可貸者俾得先生言爲疏去先生知其意他無問聞者咸嘖嘖嘆不置又捐俸廩爲

治圃築書院先生又一切辭去不爲受里人頑無狀者竊於先生之舊塋族少頗悻悻欲執之先生笑曰來他無論卽公家鉅族必置異姓僮僕以供羈勒而輩令先人地下孤立耶事遂寢其他所爲比比類此先生有子曰璽以進士官止廉州倅不得於時吏遂長往清白有父風而恬退高潔之行尤烈焉鄉人稱行誼曰二史云

游端永樂中由太學生任給事中彈劾無所顧忌陞鎮江守有惠政在郡十八年民甚安之

燕善永樂甲午舉於鄉任湖廣武陵縣令馭吏以嚴撫民
以寬號爲良吏入覲受勅旌異尋擢太僕寺丞

呂鐸字文振正統十三年進士官兵部主事歷副郎成化
間轉山東右叅議進浙江左叅政爲人寬簡與物無競
又性廉潔嘗部內帑賑邊故事得私其羨鐸秋毫不染
朝野重之

勞鉞字廷器景泰五年進士歷江浦臨清山陽三縣俱有
政聲成化中晉太僕寺丞出知湖州府

史珍字廷玉叅政中之子也景泰甲戌進士官宿遷知縣

德化縣志

卷三十一人物

名臣

十五

簡費愛民不憚權貴嶽嶽有父風不爲當道所悅稍遷
鎮江府通判晚節益堅未幾解綬歸

劉清宇一之成化戊戌進士任浙江嵯縣令改瑞安在官
數載惟勸稼穡勤教化清訟牒見重上官擢太僕寺丞
卒於官

夏英字育才成化辛丑進士授南工部主事陞郎中有經
畫才陞延平太守改邵武下勸農桑之令均徭役廣儲
蓄有聲八閩卒於官所著有方田集洳祚典要

周慰字民望成化間由上舍任四川巫山令敏於政事有

治劇才巡撫都御史孫仁舉薦於朝調巴縣秩滿致仕
廖紀字惟修宏治乙丑進士授浙江安吉知州奏績擢南
兵部職方副郎轉北工部都水郎尋改營繕奉公執法
多忤權豪出知延平府又歷平陽皆有政聲嘉靖五年
進廣西按察副使征思恩田州叛苗邁疾卒

黃鳳字廷儀宏治初由太學授陵湘縣令練達政體信以
御民值歲大歉周旋賑恤邑不告饑九載秩滿出其俸
推給親族

柳邦傑字匡廬中正德丙子科鄉試宸濠叛潯城不守傑

德化縣志

卷三十一人物

名臣

十六

獨以二親老莫能行扶抱號泣賊執傑數刃背終不忍
舍賊感其孝卒得釋謁選得同知瓊州府事政尚平易
尤加意窮民凡所興革皆切中利病黎氏倡亂率單騎
往安輯卽望風解散功居最以奏績入都疾作遂致政
歸里杜門樂道益肆力於古文辭詩歌二十六載翛然
而逝

蔡文魁字國華一字斂齋性剛方清介中嘉靖癸未進士
初授丹徒知縣遇事敏決善摘奸剔伏奉若神明欽取
戶科給事指陳朝政得失犯忌諱不顧轉通政司叅議

秩滿廷推巡撫鄖陽因忤時相意竟委政而歸在林下三十年以講學爲事暇則遊名山水穆宗立聞名召用辭不赴著有文集燬於兵卒年七十

張準字立之幼孤貧事母以孝苦志向學嘉靖辛卯中鄉試官寶應知縣縣衝疲多水患準築堤安民至今有張公堤擢雷州同知奉詔討廣黎奏凱獻功在郡多惠政雷人刻石以紀其績祀奉不衰陞福建鹽運同與時不合遂請命歸里林下近二十年不務生產不殖貨利飲食衣服猶類寒儒咸謂清可風世

德化縣志

卷三十一人物

名臣

十七

萬衣字章甫一字淺原登嘉靖辛丑進士初授南刑部主事尋遷北刑部郎中奉命讞楚獄時株連甚眾衣多所平反改重辟過額上廉其明允得上考轉曲靖道副使曲靖苗民雜處時有騷動衣調劑三年遂安堵不復爲患遷福建布政使時倭犯興化告急衣夜從間道趨莆中搜千金買死士各執械登陳更設奇兵待之俄而賊薄城下守者鼓奮奇兵忽出斬首無算而莆以平莆人至今尸祝之累官至河南左布政使衣收納稅糧不假吏胥郡縣輸至者卽面兌而去不俟越宿往例積羨萬

餘金毫不入私蓄盡以實常平諸倉今中州尚號爲萬公倉云未幾以讒罷遂灑然而歸築草堂開三徑爲物外遊教授諸子及孫又置義田五百畝以贍宗族建家塾教養族子弟及來學者性淡泊藝圃啜葵菹褐不厭及疾乃取諸負券若干悉焚之卒年八十有一所著詳

藝文志

余文獻字可徵一字九崖嘉靖進士博學善爲文與婁東濟南顏頴相上下海內爭傳之性至孝官大叅遂請養築慈壽堂奉母氏盡懽旦夕不離左右居艱凡四方書

德化縣志

卷三十一人物

名臣

十八

問皆不忍報服闋乃稍稍補謝焉方是時分宜嚴嵩柄國以獻同鄉才名噪甚遣子世蕃招致之絕不一往官兵部時員外郎楊繼盛得罪嵩致之死凡獄中飲食藥餌及家人安置撫綏一出於獻冒難犯忌不自恤也事錯見椒山自序年譜

勞堪字廬岳嘉靖丙辰進士游歷內外官累遷至左副都御史有幹濟才爲民興利除弊所在多惠政居鄉如請築封郭洲長堤以禦水患迄今賴焉念江州地瘠民貧北糧交卸多重累言於朝特免之其居官澤加於民大

率類此性敏慧博學能文所著甚富詳藝文志

朱袞字文龍中嘉靖辛酉科鄉試就莆田教諭陞南靖知縣丁艱歸再歷任武城松陽潔己愛民興利剔弊三縣民俱立祠祀之任滿陞宛平知縣宛隸輦下機務最繁中官復干擾難制袞治劇理紛綽有餘裕且風裁嚴峻人不敢干以私臺省交章薦之超擢刑部員外轉郎中清滯獄理冤抑遇疑案則寢食俱廢必平反而始快計三年全活者百餘人出守廣西思恩府甫數月卽致仕任宛日捐俸置九江會館買地置義塚於張掖門外袞

德化縣志

卷三十一人物

名臣

十九

性恬淡所得俸餘悉以班家族有弟析箸已久不能自存盡推己產與之覃恩進階中議大夫卒年九十有五巡按張某題其居曰人瑞云

蔡廷臣字蓋卿一字念所嘉靖乙丑進士筮仕嘉興郡司理洎以御史按黔土司安國亨逼殺其叔大兵追至會城下一時洶洶謂宜興師征之臣單騎入其營曉諭禍福亨叩首馬前輸金贖罪性耿直不徇江陵私請遂由順天巡按備兵信陽江陵過其境不爲屈卒以山西右轄掛冠歸杜門謝客二十餘年無一函入公府

王之垣號蠡澤用之子之藩之弟也事母極孝母疾篤醫無效垣爲嘗糞每旦夕焚香對天默禱病旋愈垣幼而穎異稍長博通經史隆慶庚午登鄉薦兩中會試副榜任福建漳平知縣正直不阿清介自矢有政聲秩滿解綬歸鄉杜門謝客太守張養源題其閭曰純孝高隱著述頗多惜爲兵燬

彭國光字秀南萬曆庚辰科進士初任晉江知縣慈惠有聲欽取吏科給事凡利害興革有裨國是者侃侃直言不避權勢左遷通州副使尋超陞山西宣府巡撫時各

德化縣志

卷三十一人物

名臣

二十

省告歎光捐厯俸解部資賑遠近德之卒於官勅賜半葬

萬嗣達字禺存方伯衣之子萬曆辛卯舉人初任鳳陽縣令累陞思州知府崇祀名宦轉陞雲南金滄道副使隨告歸達性鯁直凡地方利病侃侃言之不避嫌疑如建閘修堤革稅尤其大也居官清介治家孝友一遵父方伯之訓子堯一以崇禎庚辰特用累官工部主事孫邦和以薦辟任大理知府

夏日祚字昌齡中萬曆丙午鄉試授廣東博羅令博邑賦

重耗煩多勢抗號稱難治祚潔己愛民息徭役釐火耗
鋤豪強仁聲達於四境訟獄衰息士大夫爭慕其風糧
皆樂輸邑以大治祠入名宦陞陝西靜甯州守洩政七
月以丁艱歸遂不仕歸里無長物惟圖書數篋而已居
林下二十載不置產業當事罕識其面

趙光抃字彥清乙丑進士時彭澤曹欽程以媚璫魏忠賢
驟陟太僕光抃語之曰富貴一時名節千古君不可不
審曹佯呼曰趙千古趙千古遂大啣之翊日而贊化南
甯之命下矣贊化其父也時爲工部郎尋卒光抃以艱

德化縣志

卷三十一人物

名臣

二十一

獲免後起爲工部晉兵部喜談兵才氣雄豪出語無忌
楊大司馬昌齡奇服之屢疏自代乃出撫密雲密雲太
監鄧希詔恣於官互詰上聞抃獨坐戍廣東無何國事
日棘天下望在抃也宜興周延儒再柄國有言抃者周
以其年家子也特起之戍中微示意曰以四萬金進可
得永督抃笑而不應遂督薊薊爲敵衝赴任則城匝如
蜂矣命放大將軍砲無敢應者抃下馬自執炬放之敵
相顧指曰好漢好漢未幾延儒扼之於中希詔黨仇之
於內而抃不死封疆死法矣傷哉

傅宏祖字謙宇由選貢任福州府通判宏口吃性喜道說與上官語期期艾艾皆地方大計言不及私致政歸好古文辭閉門著述兵備會稽陸某負雋才時就請益近城迴龍磯江樓文筆封郭洲築長堤皆其所建議磯固則風氣以聚堤成洲土無水患盡爲沃壤永賴其利至今猶思之乙酉兵變遂遇害時年且八十矣

黃堯彩字嗣眉一字惕菴倪文正公元璐丁卯鄉試所錄士也崇禎間謁選吏部李太宰日宣一見大奇之除貴州思州府推官尋晉知是府事當是時中原多故朝廷

德化縣志

卷三十一人物

名臣

三十一

急用人上諭舉人才堪大用者以聞一時臺省先後疏薦值獐苗亂妖僧田文澤起兵應之官兵戰失利堯彩單騎出城四十里集兵大戰觀音山悉擒之功聞晉湖廣布政司叅議分守湖北道以母老乞養國變避居辰州苗箐間五年乃克間道奉母以歸堯彩弱冠失父婚嫁咸賴之三弟教之有聲年六十不忘孺慕寢食必依母側病則躬扶卧藥糜必手調以進旬月無怠容孝友之稱鄉黨誠無間云居官清廉歸無分寸遺子孫里居猶教授生徒以學誨爲樂焉家藏著述甚富詳藝文志

文士恭字而安號寰中爲人簡重和藹作文準先民而澤以古吳蔡忠襄公懋德曰文章典古可以起衰後司訓豐城晉興安教諭歸不能具舟楫生平輕財如苴老而益厲清潔年八十卒與弟士宏祀鄉賢

文德翼字用昭一字鐙巖少已穎異非常崇禎甲戌進士司李嘉興平反得釋者甚多大憇吳中彥父子賄結貂璫武斷鄉曲戕害善類德翼不避權要卒置於理後府丞戴澳疏劾德翼汗巖萬狀實爲中彥修怨也上雪其寃坐戴獄卽擢德翼吏部方大用時以父憂歸里服闋

德化縣志

卷三十一人物

名臣

二十三

大清定鼎矣先是流寇初起德翼在嘉興郵書兵憲指畫潯城形勢爲曲突徙薪計壬午兵破黃梅人人服其先見當憂居里門墨經率士民日夜備城守後左良玉奔九江翼諷呂督大器葉監司士彥陰阻之卒西還武昌壬午癸未間流寇客民内外交訐綢繆調護一郡五邑之生靈免於阽危德翼力居多性至孝官司李時父訃至適在會城卽號泣徒跣歸博貫經史長於詩古文詞所著有雅似堂文集備吹錄一集二集訟過錄宋史存讀莊小言行世子行遠亦有文名

黃雲師字非雲一字雷岸崇禎庚辰進士授給事中歷吏
戶刑兵四科抗疏甄別京卿凡所指陳詳明剴切爲冢
宰鄭元嶽所器重催楚粵餉題免鄖襄諸郡逋欠三十
六萬有奇升大理寺少卿奉命往福建冊封甲申之
變自閩歸潯隱居蓮花峰下徵辟不赴杜門著述詳藝
文志卒年七十有六崇祀鄉賢孫圖康熙戊戌會魁

